

الشاعر المهندس حسن الجزائري

(مملكة النمل) (١٢)

مو كلّ العقل لأهل العقل زينه

نمله ابلا عقل بس بالعلم حيره

مملكة النمل ما ظنه بيه احزاب

مو مجلس يديره، النمله التديره

مو كلمن غيور وللوطن يفديه

اكو ابصمته ويدبّح للوطن غيره

ما يذكر شهيد وامّه تنتظر ليه

من شافت ضناه ايودّع الدّيره

(١٢) قصيدة تتحدث عن الواقع المر، انتهيت من كتابتها يوم الأربعاء/٤/٥/٢٠١٦.

عَيْن اعله الدرب بس الاذن عالالباب

تُنْطَر يا وكت تستبشر ابخيره

ما يرجع بعد في ذمة الله

طِفْل عادل زَلِم بالفزعهِ والغيره

هذا ابن الجنوب المايهْد الكاع

هذا ابن النجف والكوفه والحيه

هذا ابن الأسد واللي دفن عباس

هذا ابن الجبايش هذا بن بصره

هذا ابني الطلع والموت اجه وياه

يا موت اتركه خذني أنه الجبيره

ما يرجع مُحِب لو يشهك التَّابوت

لو تدفع ذهب مو تدفع الليره

ياالشَّابع خبز، بالصحرة نص الليل

ما يشبع طفل بالخبزه الزغيره

هم شايف چفن يشبُّگ رضيع ابیوم

مره ابکربلاء وصارت اکثیره